



საქართველოს იუსტიციის მინისტრი

ბრძანება №1706

თბილისი

29 / დეკემბერი / 2016 წ.

სახელმწიფო შესყიდვების ერთობლივად განხორციელების შესახებ

„საქართველოს იუსტიციის სამინისტროს დებულების დამტკიცების შესახებ“ საქართველოს მთავრობის 2013 წლის 30 დეკემბრის №389 დადგენილებით დამტკიცებული დებულების მე-5 მუხლის მე-2 პუნქტის „ა“ და „მ“ ქვეპუნქტებისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-4 მუხლის მე-2 პუნქტის შესაბამისად,

ვ ბ რ ძ ა ნ ე ბ ა :

1. საქართველოს იუსტიციის სამინისტროს მმართველობის სფეროში მოქმედ საჯარო სამართლის იურიდიულ პირს - „საჯარო რეესტრის ეროვნულმა სააგენტოს“ დაევალოს, კანონმდებლობის შესაბამისად, საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიულ პირების - „საჯარო რეესტრის ეროვნული სააგენტოსა“ და „სმარტ ლოჯიკის“ სათაო ოფისის (მდებარე ქ. თბილისში, დიდი ხეივანის ქ. N3-ში) სამშენებლო სამუშაოების (CPV 45210000) სახელმწიფო შესყიდვის ერთობლივად განხორციელების მიზნით ჩატაროს ელექტრონული ტენდერი ამ ბრძანების დანართი №1-ით დადგენილი პირობების შესაბამისად;
2. სატენდერო დოკუმენტაცია და სატენდერო განცხადება შემუშავებულ იქნეს კანონმდებლობით გათვალისწინებული მოთხოვნების შესაბამისად;
3. ბრძანება ამოქმედდეს ხელმოწერისთანავე.

მინისტრი

თეა წულუკიანი

ანგარიშსწორების პირობები და შესყიდვის ობიექტის მიწოდების წესი

1. შემსყიდველების მიერ ანგარიშსწორება განხორციელდება შემდეგი წესის შესაბამისად:

1.1 სსიპ „სმართ ლოჯიკი“ უზრუნველყოფს 1,625,000.00 ლარის ანგარიშსწორებას ავანსად იდენტური ოდენობის ან თეთრ სიაში რეგისტრირებული მიმწოდებლის შემთხვევაში საავანსო თანხის ნახევრის ოდენობის საქართველოში მოქმედი საბანკო დაწესებულების მიერ გაცემული საავანსო გარანტიის საფუძველზე.

1.2 სსიპ „საჯარო რეესტრის ეროვნული სააგენტო“ უზრუნველყოფს ხელშეკრულების ჯამური ღირებულების 50%-სა და 1,625,000.00 ლარს შორის სხვაობის ანგარიშსწორებას ავანსად იდენტური ოდენობის ან თეთრ სიაში რეგისტრირებული მიმწოდებლის შემთხვევაში საავანსო თანხის ნახევრის ოდენობის საქართველოში მოქმედი საბანკო დაწესებულების მიერ გაცემული საავანსო გარანტიის საფუძველზე.

1.3 აღნიშნული საავანსო საბანკო გარანტიების მოქმედების ვადა არანაკლებ 2 (ორი) თვით უნდა აღემატებოდეს სამშენებლო სამუშაოების დასრულების ვადას.

1.4 ამ დანართის 1.1 და 1.2 პუნქტებით განსაზღვრული საავანსო საბანკო გარანტიების შესაბამისი შემსყიდველი ორგანიზაციისთვის წარდგენა უნდა განხორციელდეს სახელმწიფო შესყიდვის ხელშეკრულების გაფორმებიდან არაუგვიანეს 10 სამუშაო დღისა.

1.5 საავანსო ანგარიშსწორება განხორციელდება შესაბამისი საავანსო საბანკო გარანტიების წარდგენიდან 10 სამუშაო დღის განმავლობაში.

1.6 სსიპ „საჯარო რეესტრის ეროვნული სააგენტო“ უფლებამოსილია, 2017 წლის ნოემბერ-დეკემბრის თვეში, გადაუხადოს მიმწოდებელს არაუმეტეს 1 000 000 ლარი ავანსად, იდენტური ოდენობის ან თეთრ სიაში რეგისტრირებული მიმწოდებლის შემთხვევაში საავანსო თანხის ნახევრის ოდენობის საქართველოში მოქმედი საბანკო დაწესებულების მიერ გაცემული საავანსო გარანტიის საფუძველზე. მიმწოდებელი

ვალდებულია წარუდგინოს სსიპ „საჯარო რეესტრის ეროვნული სააგენტო“ აღნიშნული საავანსო საბანკო გარანტია მისი მოთხოვნიდან არაუგვიანეს 5 სამუშაო დღის ვადაში, ხოლო სსიპ „საჯარო რეესტრის ეროვნული სააგენტო“ ვალდებულია განახორციელოს ანგარიშსწორება შესაბამისი საავანსო საბანკო გარანტიის წარმოდგენიდან 10 სამუშაო დღის ვადაში. აღნიშნული საავანსო საბანკო გარანტიის მოქმედების ვადა არანაკლებ 2 (ორი) თვით უნდა აღემატებოდეს სამშენებლო სამუშაოების დასრულების ვადას.

1.7 შესრულებული სამუშაოების ღირებულების ანაზღაურება განხორციელდება შემდეგნაირად: სსიპ „საჯარო რეესტრის ეროვნული სააგენტო“ და სსიპ „სმართლო“ განახორციელებს შესრულებული სამუშაოების ღირებულების არანაკლებ 50%-ის და არაუმეტეს 90%-ის დაქვითვას ავანსად გადახდილი თანხის გათავისუფლების მიზნით, ხოლო სსიპ „საჯარო რეესტრის ეროვნული სააგენტო“ განახორციელებს მიმწოდებლისთვის შესრულებული სამუშაოების ღირებულებასა და დაქვითულ თანხას შორის სხვაობის ანგარიშსწორებას შესაბამისი მიღება-ჩაბარების აქტისა და საგადასახადო ანგარიშ-ფაქტურის წარმოდგენიდან არაუმეტეს 10 სამუშაო დღისა.

1.8 ანგარიშსწორებას განახორციელებს:

ა) სსიპ „საჯარო რეესტრის ეროვნული სააგენტო“ 2017-2018 წლების საკუთარი შემოსავლებიდან 3 962 956 ლარის ფარგლებში.

ბ) სსიპ „სმართლო“ 2017 წლის საკუთარი შემოსავლებიდან 1 235 000 ლარის, ხოლო 2017 წლის სახელმწიფო ბიუჯეტიდან 390 000 ლარის ფარგლებში.

2. სამუშაოების შესრულება განხორციელდეს ჯეროვნად, შესაბამისი სახელმწიფო შესყიდვის ხელშეკრულების გაფორმებიდან 22 თვის ვადაში (თვეში მოიაზრება 30 კალენდარული დღე), კალენდარული გეგმა - გრაფიკის შესაბამისად.